

SCRIPT OF MORNING GOJRI NEWS BULLETIN 3FEB 2026

1015HRS

مارنگ گوجری نیوز بولٹن 3 فروری 2026

یوہ آکاشوانی جموں ہے باغ علی طاہر تیں خبر سُنو۔

RAILWAYS J&K BUDGET

مرکزی ریلوے وزیر اشونی ویشنو نے کل جموں کشمیر سمیت پورا ملک غی ریلوے ڈویژناں غا عہدیداراں سنگ ویڈیو کانفرسنگ غے ذریعے میٹنگ کی ہے۔ میٹنگ غے دوران بجٹ ترجیحات تے جاری ریلوے پروجیکٹاں گی پیش رفت غو جائیزو لیو گیو۔ مہارا ضلع نمائندہ نے جانکاری دیتاواں دسیو ہے جے ریلوے وزیر نے اس موقع ور جانکاری دیتاواں دسیو ہے، جے جموں کشمیر واسطے 1 ہزار 86 کروڑ روپیاں غا ریلوے بجٹ مانہ شامل جموں کشمیر ریل لائنیں بارے تفصیلی پروجیکٹ رپوٹ تیار کیا جان غو کم تیزی نال جاری ہے۔ جد کہ بارہمولہ، اوڑی ریل لائنیں ور پروجیکٹ رپوٹ پہلاں ہی مکمل کی جا چکی ہے۔ ریلوے وزیر نے میٹنگ غے دوران علاقہ مانہ ریل رابطہ نانہ ہور مضبوط بنان غی خاطر آئندہ غی حکمت عملی ور وی مزید غور کیو۔

MOTION OF THANKS

جموں کشمیر قانون ساز اسمبلی غی طرفوں اج لیفٹیننٹ گورنر منوج سنہا غا خطاب ور شکریہ غی تحریک بارے بحث کی جائگی۔ اس بحث غے دوران ممبران قانون سازیہ نانہ ایل جی غا خطاب مانہ ظاہر کیا گیا، نقطاں ور سرکار غی ترقیاتی پالیسی غا ایجنڈا غی حکمت عملی غے پیش نظر غور کیا جان غی اجازت ویگی۔

یہ بحث اج تیں شروع ہوئے آئندہ 5 فروری نانہ وزیر اعلیٰ گا جواب سنگ اختتام پزیر ہو جائگی۔ اس بحث سنگ آئندہ 6 فروری نانہ سالانہ بجٹ پیش کیا جان تیں پہلاں قانون سازیہ غا کم گو لب لباب طے ہو جائگو۔ جس نانہ وزیر اعلیٰ عمر عبداللہ پیش کریں غا۔

CM TABLEAU

وزیر اعلیٰ عمر عبداللہ نے کل محکمہ ثقافت نانہ یوم جمہوریہ غی اس سال غی پریڈ مانہ جموں کشمیر غی چانکی نانہ دوجو انعام ملن ور مبارک دتی ہے۔ اس چانکی غو عنوان زندہ تصویر رکھیو گیو تھو۔ جہڑی دیکھن سنگ تعلق رکھے تھی، تے ثقافتی حیثیت نال بے حد جزباتی بیانہ ور مبنی تھی۔ جس مانہ یو۔ ٹی غا صدیاں پُرانا فن دستکاریاں تے لوک روئیتاں نانہ پیش کیو گیو۔ جموں کشمیر غی چانکی مانہ خاص کر غے اس غی دستکاری نانہ ثقافتی شناخت سنگ جوڑ غے پیش کیو گیو۔ جس مانہ پشمنہ غی بُنائی، اخروٹ غی لکڑی ور کیجان آلی نقش نگاری، فلین تیار کرن غا ہُتر، پیپر ماشی، تانبہ غا برتن تیار کرنو، تے بسولی غی باریک نقاشی شامل ہیں۔ جہڑی کئی نسلان تیں پیشہ وارانہ ہُتر غا نکھار غی نمائندگی کر رہی تھیں۔

GOC KISHTWAR VISIT

فوج غی وائٹ نانٹ کور غا جرنل افسر کمانڈنگ لیفٹیننٹ جرنل پی۔کے۔مشرا نے کل کشتواڑ ضلع غو دورو لایو اپنا دورہ غے دوران اُنہاں نے عہدیداراں تے جواناں نانہ ہر وقت پیشہ وارانہ طور ور تیار رہن غی ضرورت ور زور پایو۔ اس دورہ غے دوران اُن غے ہمراہ تخریب کاری مخالف فورس ڈیلٹا غا جی۔اوسی، اے۔پی۔ایس بال وی موجود تھا۔ اُن غو یوہ دورو چھاترو جنگلاتی علاقہ مانہ پاکستانی دہشت گرد تنظیم جیش محمد غا دہشت گردان غی تلاشی غی خاطر جاری سلامتی دستاں غی کاروائی غے دوران ہوو ہے۔ واضع رہ جے اس تلاشی کاروائی مانہ گزشتہ 2 ہفتاں غے دوران سلامتی دستاں تے دہشت گردان بشکار کئی تصادم پیش آیا ہیں۔

SPECIAL TRAIN

ویشنو دیوی کٹڑہ تے سرینگر مانہ خراب موسم غی وجہ نال مسافراں غی متی پیڑ نانہ دیکھتاں وان، نالے سڑکاں تے ہوائی ٹریفک بند ہو جان غی وجہ نال مسافراں غی سہولت غی خاطر ریلوے غی طرفوں خصوصی ریل گڈیں چلایا جان غو فیصلو کیو گیو ہے اچ تے کل کٹڑہ تے سرینگر بشکار چار خصوصی ریل گڈیں چلائی جیں غی۔ جہڑی اپنا سفر غے دوران بانہال مانہ کچ عرصہ واسطے رکیں غی۔ ریلوے عہدیداراں نے مسافراں نانہ صلاح دتی ہے جے وے ریزرویشن غا سٹیٹس تے گڈیاں غا آوجائی غا وقت غو پتو ریلوے ویب سائٹ تیں لاویں۔ مسافر ہلپ لائن نمبر 139 ڈائل کر غے وی خدمات غو پتو لاسکیں۔

PROG ANN CANCER DAY

ریجنل نیوز یونٹ آکاشوانی جموں کل یعنی 4 فروری نانہ دوپہر ساڈا 12 بجے 30 منٹاں ور مبنی عالمی یوم سرطان غی مناسبت سنگ اک خصوصی پروگرام نشر کرے غو اس پروگرام غو عنوان سرطان یعنی کینسر غی بیماری اس غی علامت وجوہات تے علاج رکھیو گیو ہے اس خصوصی پروگرام مانہ مہاری مہمان ویں غی۔ گورنمنٹ میڈیکل کالج جموں غی تابکاری تھیریپی غا شعبہ غی پروفیسر ڈاکٹر سندپ کور کینسر غی بیماری بارے ڈاکٹر سندپ کور غی ماہرانہ رائے تے صلاح ور مبنی اس خصوصی پروگرام غی میزبانی غا فرائض مہارا انکر جگموہن شرما انجام دیں گا۔

BHARAT DARSHAN

سرحدی علاقہاں گا بچاں نانہ بھارت غا ورثہ سنگ واقف کران غی خاطر کی جان آلی اک کوشش غے تحت جموں راجوری تے پونچھ غا کپل 89 بچاں نانہ کل بی۔ایس۔ایف غا انسپکٹر جرنل شانک آنند غی طرفوں چنڈی دس غے بھارت درشن ور روانہ کیو گیو ملک غی سیر واسطے روانہ کیا جان آلا یہ بچا راجستھان دہلی تے آگرہ غو دورو لاویں گا بچاں نانہ بھارت غی سیرو ور پیجیا جان گو مقصد ان نانہ بھارت غا امیر ورثہ ثقافت تے تاریخ سنگ واقف کرانو ہے عہدیداراں گو کہنو تھو جے

بچاں نانہہ اس بھارت دورہ ور روانہ کرن نال اُن مانہہ حُب الوطنی غا جزبہ نانہہ
فروغ ملن غے نال نال وے ملک غی رنگا رنگ روایتاں تے مقامات تیں واقف ہو
سکیں غا۔

WEATHER

محکمہ موسمیات نے اج جموں کشمیر غا بکھ بکھ حصاں مانہہ ہلکی بارش تے
برف باری غی پیشن گوئی کی ہے اُس غے بعد کل تیں آئندہ 6 فروری توڑی موسم
جُزوی ابرآلود رہن غی اُمید ہے پھر 7 فروری نانہہ یو ٹی غا گُج اک علاقاں مانہہ
پھر ہلکی بارش تے برف باری گو امکان ظاہر کیو گیو ہے جد کہ 8 فروری تیں 10
فروری توڑی موسم غا جُز وی طور ابرآلود رہن غی اُمید ہے۔
